



## 1. Auglýsing frá lögreglunni



H3.36



Lögreglan leitar að Stefano Tucci.

Stefano er fimmtán ára með dökkt, stutt hár og brún augu. Hann er um 164 cm á hæð og 55 kíló. Hann var í bláum buxum og rauðum jakka og með stór, kringlótt gleraugu. Hann fór frá heimili sínu klukkan átta í gærkvöldi og ætlaði að spila fótbolta á skólalóð Trönuberjaskóla.

Þeir sem geta gefið upplýsingar, vinsamlegast hringið í lögregluna í síma 555 44 33.

## Föt og litir

blár jakki



hann er í  
bláum jakka

rauð peysa



hún er í  
rauðri peysu

grænt vesti



hann er í  
grænu vesti

brúnir sokkar



hann er í  
brúnum sokkum

hvítir skór



hann er í  
hvítum skóm

svartar buxur



hún er í  
svörtum buxum

## Aukahlutir

eyrnalokkar



hún er með  
eyrnalokka

gleraugu



hann er með  
gleraugu

röndóttur trefill



hún er með  
röndóttan trefil

blátt bindi



hann er með  
blátt bindi

gul húfa



hún er með  
gula húfu

rauður varalitur



hún er með  
rauðan varalit

## 1.1 Búið til auglýsingu og notið myndina




---



---



---



---



---



## 1.2 Tölum saman!

- a) Í hvernig fötum ert þú í dag? *Ég er í ...*
- b) En nemandinn sem situr við hliðina á þér? *Hann/hún er í ...*
- c) Ertu með einhverja aukahluti? *Já, ég er með ...*
- d) En nemandinn sem situr við hliðina á þér? *Hann/hún er með ...*
- e) Hvað eru margir í svörtum buxum í stofunni?
- f) Hvað eru margir með gleraugu í stofunni?
- g) Hvað eru margir með bleikt bindi og sólgleraugu í stofunni?

## 2. Áhyggjur

H3.37

- Anna: Halló?
- Lögreglan: Góðan daginn. Ég heiti Guðmundur Jónsson og hringi frá lögreglunni. Þið saknið Stefano, ekki satt?
- Anna: Jú, við höfum miklar áhyggjur! Er eitthvað að fréttu?
- Lögreglan: Við leituðum í alla nótt en fundum hann ekki. Var hann með úr?
- Anna: Nei, ég held ekki. Hann á ekki úr. Af hverju?
- Lögreglan: Við fundum úr, gleraugu og bolta á skólalóðinni. Kannski er best að þú komir og skoðir þetta hjá okkur á stöðinni.
- Anna: Já, ég kem strax!



### 2.1 Eiga, hafa, vera með

að eiga:	að vera með:	að hafa:
Ég <b>á</b> systur	Ég <b>er með</b> ljóst hár og blá augu	Ég <b>hef</b> áhyggjur
Þú <b>átt</b> son	Hann <b>er með</b> gleraugu	Hún <b>hefur</b> hugmynd
Við <b>eigum</b> hús og bíl	Hún <b>er með</b> hálsmen	<b>Hefur</b> þú tíma?
Hann <b>á</b> úr	<b>Ert</b> þú <b>með</b> úr?	Við <b>höfum</b> áhuga á bókum

Ég er með úr en ég á það ekki. Pabbi minn á það.

Ég á úr en ég er ekki með það. Það er heima.

Ég er með úr og ég á það. Maðurinn minn gaf mér það í afmælisgjöf.

## 2.2 Skrifaðu rétt orð í eyðurnar



er í á hefur er með höfum hef átt

Ég á tvær dætur og einn son. Hvað \_\_\_\_\_ þú mörg börn? Maðurinn minn er finn í dag. Hann \_\_\_\_\_ röndótt bindi og hann \_\_\_\_\_ svörtum skóm. Hvað er klukkan? Ég \_\_\_\_\_ ekki hugmynd um það! Ég \_\_\_\_\_ ekki úr. Við \_\_\_\_\_ áhyggjur af dóttur okkar. Hún hringdi ekki í gær.

á hefur er með er í eigum hef höfum

Hvernig lítur sonur þinn út? Hann \_\_\_\_\_ brún augu og dökkt hár. Hann \_\_\_\_\_ bláum jakka. \_\_\_\_\_ þú tíma til að tala við mig? Já ég \_\_\_\_\_ tíma. Við \_\_\_\_\_ tvo bíla. Við \_\_\_\_\_ áhuga á bílum og fjallaferðum. Anna \_\_\_\_\_ stórt hús og lítinn garð.

## 2.3 Góðar fréttir



H3.38

Anna: Já, halló.

Lögreglan: Sæl aftur, þetta er Guðmundur Jónsson. Ég hef góðar fréttir handa þér.

Anna: Nú? Er þið búnir að finna hann?

Lögreglan: Já, viltu ekki bara tala við hann sjálf?

Stefano: Hæ mamma. Fyrirgefðu, en ég fór heim til Lúlla og við vorum að spila tölvuleik. Ég gleymdi að hringja heim og svo sofnaði ég þar.

Anna: Guði sé lof að þú ert fundinn! Við tölum svo betur saman þegar þú kemur heim.



### 3. Frétt í Árdegisblaðinu þann 17. mars



Lögregla og hjálparsveitir leita nú að jeppa með bílnúmerinu TG E20 sem síðast sást á Hvolsvelli um þrjúleytið föstudaginn 16. mars. Í bílnum voru fjórir. Bílstjórinn er fimmtugur karlmaður og farþegarnir eru ein kona, fjörtíu og þriggja ára og tveir unglingsstrákar, sautján og fimmtán ára. Bíllinn er af gerðinni Toyota Landcruiser, ljósgrænn á litinn. Maðurinn er hávaxinn með dökkt hár og var í bláum jakka, með trefil. Hann er af erlendum uppruna. Konan er með stutt ljóst hár. Hún var í rauðri úlpu. Strákarnir voru báðir í svörtum peysum og gallabuxum. Annar er með rautt, krullað hár en hinn er með dökkt hár og með gleraugu.

Síðast þegar til þeirra sást voru þau á leið austur. Ekki er vitað nákvæmlega hvert þau ætluðu. Veður hefur verið vont á Suðurlandi, mikið rok og snjóbylur. Færð á vegum er slæm, það er mikil hálka.

Þeir sem geta gefið einhverjar upplýsingar um ferðir fólksins eru beðnir að hafa samband við lögregluna í síma 4446677.



#### 3.1 Spyrjið og svarið



1. Hvar sást bíllinn síðast? \_\_\_\_\_
2. Hvenær sást bíllinn síðast? \_\_\_\_\_
3. Hverjir voru í bílnum? \_\_\_\_\_
4. Hvernig bíll var þetta? \_\_\_\_\_
5. Hvernig lítur maðurinn út? \_\_\_\_\_
6. Í hvernig fötum voru strákarnir? \_\_\_\_\_
7. Hvernig hefur veðrið verið á Suðurlandi? \_\_\_\_\_
8. Hvað heldur þú að gerist næst? \_\_\_\_\_
9. Hvað þýðir að vera af erlendum uppruna? \_\_\_\_\_



#### Hvað segir Fríða frænka?

Neyðarsímanúmerið á Íslandi er **112**. Þú hringir í 112 til að fá lögreglu, sjúkrabíl, slökkvilið eða hjálparsveitir.

Upplýsingar um neyðarlínuna má finna á **www.112.is**.

Þar er hægt að horfa á myndband sem sýnir dæmi um útkall.

## 4. Árekstur



H3.40-43

Harður þriggja bíla árekstur varð á Stórubraut í morgun þegar köttur hljóp yfir veginn. Lögregla og sjúkrabíll komu á staðinn stuttu eftir áreksturinn. Tveir voru fluttir á slysadeild. Enginn er talinn alvarlega slasaður. Bílarnir eru taldir ónýtir.

### 1. bíll – Aron, 17 ára hringir í lögregluna



112: 112, neyðarlínan.  
Aron: Það var slys. Ég keyrði aftan á. Og annar bíll keyrði á mig.  
112: Eru einhver slys á fólki? Á ég að kalla á sjúkrabíl?  
Aron: Já, ég held það.  
112: Hvar eruð þið?  
Aron: Á Stórubraut, rétt hjá stóru umferðarljósunum.  
112: Á gatnamótum Stórubrautar og Löngugötu?  
Aron: Já, einmitt.  
112: Lögregla og sjúkrabíll koma strax.

### 2. bíll – Sigga segir frá

Sigga: Ég lenti í árekstri og þurfti að fara á slysadeildina.  
Óli: Og ertu brotin?  
Sigga: Nei, en ég er tognuð í hálsinum og fékk kraga.



### 3. bíll – Halldór hringir í konuna sína



Halldór: Ég lenti í slysi og fór í sjúkrabíl upp á slysó.  
Lísa: Ó nei, er það alvarlegt?  
Halldór: Ég held að ég sé fótbrotin. Ég fór í röntgen.  
Lísa: Þarftu að fara í gifs?  
Halldór: Ég veit það ekki ennþá. Ég kem líklega ekki heim strax.  
Lísa: Ég kem strax til þín.

## Orðaforði um slys

<b>Árekstur</b>	Ég lenti í árekstri.
<b>Slys</b>	Það var slys/hann lenti í slysi.
<b>Ónýtur</b>	Bíllinn er ónýtur.
<b>Tjón</b>	Bíllinn varð fyrir tjóni.
<b>Tjónaskýrsla</b>	Ég þarf að fylla út tjónaskýrslu.
<b>Tryggingar</b>	Tryggingarnar borga tjónið.
<b>Neyðarlínan</b>	Ég hringdi í neyðarlínuna (112).
<b>Slysadeildin</b>	Ég slasaðist og þurfti að fara á slysadeildina.
<b>Brotinn</b>	Ég er fótbrotin/n/handleggsbrotin/n.
<b>Tognaður</b>	Ég er tognuð/tognaður.
<b>Slasaður</b>	Hann er mjög/lítið slasaður. Hún er mjög/lítið slösuð.

#### 4.1 Merktu við rétt, rangt eða kannski



- Aron er mjög slasaður  rétt  rangt  kannski
- Aron þarf að fylla út tjónaskýrslu  rétt  rangt  kannski
- Sigga er brotin  rétt  rangt  kannski
- Sigga fékk kraga um hálsinn  rétt  rangt  kannski
- Halldór er fótbrotinn  rétt  rangt  kannski
- Halldór kemur heim strax  rétt  rangt  kannski

#### 5. Tjónaskýrsla



H3.44



Ring ring!

Trausti: Tryggingahúsið góðan dag

Bergdís: Já, ég þarf að fá upplýsingar hjá ykkur. Bíllinn minn varð fyrir tjóni. Ég er með tryggingar hjá ykkur.

Trausti: Ertu búin að fylla út tjónaskýrslu?

Bergdís: Nei, hvar fæ ég svoleiðis?

Trausti: Þú getur komið hingað og fengið eyðublað. Var þetta árekstur við annan bíl?

Bergdís: Nei, ég keyrði á ljósastaur.

Trausti: Þá geturðu fyllt út tilkynningu um ökutækjatjón á netinu.

#### 5.1 Hlustaðu á upplýsingarnar og fylltu út eyðublaðið



H3.45

##### Tryggingataki

Nafn: \_\_\_\_\_

Kennitala: \_\_\_\_\_

Netfang: *bergdis@bergdis.is* Farsími: \_\_\_\_\_

##### Tjón

Tjónsdagur: \_\_\_\_\_

Tjónsstaður: \_\_\_\_\_ Póstnúmer: \_\_\_\_\_

Tjónslýsing: *Hægra ljós að framan brotið*

##### Ökutæki

Ökutæki = bíll

Bílnúmer: \_\_\_\_\_ Kennitala ökutækis: *567910-1000*

Var árekstur við annað ökutæki  já  nei

## 6. Hvað kann ég?



### 6.1 Hvernig lítur hann út?



---

---

---

---

### 6.2 Merktu við rétt orð



- Ég  hef  á miklar áhyggjur af mömmu minni. Hún er svo veik.
- Hún  á  er með blá augu og sítt svart hár.
- Hann  á  hefur ekki tíma til að tala við mig.
- Hann  er með  er í bláum sokkum
- Hann  er í  hefur svörtum buxum
- Við  eigum  höfum mikinn áhuga á klassískri tónlist.
- Ertu með  Ertu í úr?
- Áttu  Ertu með systur?

### 6.3 Lýstu myndunum eða segðu sögu um hvað gerðist



## 7. Sjálfsmat – Petta kann ég!



### 1. Ég kann að lýsa fötum

- |  |  |
|--|--|
| <input type="checkbox"/> Hann er í bláum jakka | <input type="checkbox"/> Hann er svörtum buxum |
| <input type="checkbox"/> Hún er í rauðri peysu | <input type="checkbox"/> Hún er í brúnum skóm  |

### 2. Ég kann að lýsa aukahlutum

- |  |   |
|--|---|
| <input type="checkbox"/> Hún er með eyrnalokka | <input type="checkbox"/> Hann er með (röndóttan) trefil |
| <input type="checkbox"/> Hann er með gleraugu  | <input type="checkbox"/> Hún er með (rauðan) varalit    |
| <input type="checkbox"/> Hún er með hálsmen    | <input type="checkbox"/> Hann er með (gula) húfu        |

### 3. Ég kann að segja

- |   |   |  |
|---|---|--|
| <input type="checkbox"/> Ég á systur          | <input type="checkbox"/> Ég er með ljóst hár  | <input type="checkbox"/> Ég hef áhyggjur         |
| <input type="checkbox"/> Við eigum hús og bíl | <input type="checkbox"/> Hann er með gleraugu | <input type="checkbox"/> Hann hefur tíma         |
| <input type="checkbox"/> Ég á úr              | <input type="checkbox"/> Hún er með hálsmen   | <input type="checkbox"/> Hún hefur áhuga á bókum |

### 4. Ég kann að segja

- |  |   |
|--|---|
| <input type="checkbox"/> Ég lenti í árekstri | <input type="checkbox"/> Ég er fótbrotin/n      |
| <input type="checkbox"/> Ég lenti í slysi    | <input type="checkbox"/> Ég er slösuð/slasaður  |
| <input type="checkbox"/> Bíllinn er ónýtur   | <input type="checkbox"/> Ég fór á slysadeildina |

### 5. Ég kann þessi orð

- |                                       |                                      |
|---------------------------------------|--------------------------------------|
| <input type="checkbox"/> Tjón         | <input type="checkbox"/> Ökutæki     |
| <input type="checkbox"/> Tjónaskýrsla | <input type="checkbox"/> Upplýsingar |
| <input type="checkbox"/> Tryggingar   | <input type="checkbox"/> Eyðublað    |

6. Hvað lærði ég fleira í 5. kafla? \_\_\_\_\_

7. Hvað ætla ég að nota? \_\_\_\_\_

8. Hvað þarf ég að læra betur? \_\_\_\_\_



Lýsingarorð – föt, aukahlutir og litir

Föll	Karlkyn (hann) eintala	Kvenkyn (hún) eintala	Hvorugkyn (það) eintala
<b>nefnifall</b>	<i>þetta er ...</i> <b>rauður</b> jakki/trefill <b>blár</b> jakki/trefill	<i>þetta er ...</i> <b>rauð</b> peysa/húfa <b>blá</b> peysa/húfa	<i>þetta er ...</i> <b>rautt</b> vesti/bindi <b>blátt</b> vesti/bindi
<b>þolfall</b>	<i>hann/hún er með...</i> <b>rauðan</b> trefil <b>bláan</b> trefil	<i>hann/hún er með...</i> <b>rauða</b> húfu <b>bláa</b> húfu	<i>hann/hún er með...</i> <b>rautt</b> bindi <b>blátt</b> bindi
<b>þágufall</b>	<i>hann/hún er í ...</i> <b>rauðum</b> jakka <b>bláum</b> jakka	<i>hann/hún er í ...</i> <b>rauðri</b> peysu <b>blárri</b> peysu	<i>hann/hún er í ...</i> <b>rauðu</b> vesti <b>bláu</b> vesti

Föll	Karlkyn (þeir) fleirtala	Kvenkyn (þær) fleirtala	Hvorugkyn (þau) fleirtala
<b>nefnifall</b>	<i>þetta eru ...</i> <b>rauðir</b> skór/eyrnalokkar <b>bláir</b> skór/eyrnalokkar	<i>þetta eru ...</i> <b>rauðar</b> buxur/spennur <b>bláar</b> buxur/spennur	<i>þetta eru ...</i> <b>rauð</b> föt/gleraugu <b>blá</b> föt/gleraugu
<b>þolfall</b>	<i>hann/hún er með...</i> <b>rauða</b> eyrnalokka <b>bláa</b> eyrnalokka	<i>hann/hún er með...</i> <b>rauðar</b> spennur <b>bláar</b> spennur	<i>hann/hún er með...</i> <b>rauð</b> gleraugu <b>blá</b> gleraugu
<b>þágufall</b>	<i>hann/hún er í ...</i> <b>rauðum</b> skóm <b>bláum</b> skóm	<i>hann/hún er í ...</i> <b>rauðum</b> buxum <b>bláum</b> buxum	<i>hann/hún er í ...</i> <b>rauðum</b> fötum <b>bláum</b> fötum



## eiga, vera með, hafa

að eiga	að vera með	að hafa
<b>+ fjölskylduorð og gæludýr</b> Ég á systur/bróður. Ég á son og dóttur. Ég á konu/mann. Ég á hund.	<b>+ hár, augu, nef (líkamsorð)</b> Ég er með blá augu. Ég er með dökkt hár. Ég er með stórt nef.	<b>+ áhyggjur</b> Ég hef áhyggjur. (+af ...)
<b>+ hlutir sem er búið að kaupa</b> Ég á íbúð. Ég á bíl. Ég á nýja peysu.	<b>+ aukahlutir</b> Ég er með gleraugu. Ég er með varalit. Ég er með bindi. Ég er með skartgripi.	<b>+ hugmynd, skoðun</b> Ég hef góða hugmynd. Ég hef ekki hugmynd! Ég hef skoðanir á pólitík. Hvaða skoðun hefur þú á málinu?
<b>+ afmæli</b> Ég á afmæli 14. september.	<b>+ ýmsir hlutir (sem ég á eða á ekki)</b> Ég er með penna. Ég er með tösku. Ég er með vísakort. Ég er með tyggjó. Ég er ekki með pening.	<b>+ tími</b> Ég hef tíma núna. Ég hef ekki tíma til að tala við þig.
<b>+ heima</b> Ég á heima á Akureyri.		<b>+ áhugi</b> Ég hef áhuga á bókum . Ég hef ekki áhuga á golfi.



## Orðabanki – Notaðu orðabók



orð	þýðing	orð	þýðing
að slasast		röntgen	
áhyggjur		sjúkrabíll	
árekstur		slasaður	
brotinn		slys	
færð		slysadeild	
gifs		snjóbylur	
hálka		tilkynning	
hjálparsveit		tjón	
karlmaður		tjónaskýrsla	
kragi		tognaður	
ljósastaur		tölvuleikur	
lögregla		upplýsingar	
neyðarlína		ökutæki	
ónýtur			